

27 20.  
DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ

Orthodoxorum Medicorum Patrono.

QUÆSTIO MEDICA,

PRO QUODLIBETARIIS DISPUTATIONIBUS,

manè discutienda in Scholis Medicorum, die Jovis septimâ

Januarii, M. DCC. LXII.

M. JACOBO VERDELHAN DES MOLES

Serenissimi Principis Condæi Confiliario-Medico,

Doctore Medico, Præside.

*An in pulsu inæquali aut intermittente purgantia ?*

I.



R S medica, ars omnium utilissima, observatione nata, casto dein ratiocinio fulcita : paribus subsidiis ut olim, sic & hodie firmatur & in dies ditescit : eam igitur inanibus vagari conjecturis ne autumes. Ad sui natales, incrementum & perfectionem fecêre & adhuc faciunt, quæ circa morborum signa, eventus, medicamentorum facultates institutæ fuerunt & indefesso labore quotidie instituntur observationes. His fidendum, quæ à plurimis viris probis, in arte medicâ peritis, asseruntur, quæ in diversis regionibus observatæ, ad diversa pertinent temperamenta, quæ ad singulas spectant (paucis mutatis) vitæ periodos, & omnibus congruunt anni tempestatibus. Medica enim observata non sunt unius medici opus, sed omnium medicorum & omnis ævi : non unius anni labor sed omnium ferè sæculorum. *Ars enim longa, vita brevis, occasio præceps, judicium difficile. Non fingendum, etenim non excogitandum, sed inveniendum quid natura faciat aut ferat.* De rebus itaque medicis benè meretur ille, qui Hippocratis cæterorumque medicinæ parentum vestigiis insistens, non novitatis amore allectus, nec vani systematis fūco captus, solius naturæ studiosus, leges medicinæ tamquam naturæ leges habet, & ut naturæ sic artis medicæ fundamenta certa & constantia prædicat. Tali innixus principio, non cæco quodam fato, aut ab ipsâ errante naturâ ipsius mores, periodos, crises dirigi pro certo habet : sed eo ipsissimo mirabili mechanismo, quo stat, quo viget, quo perennatur æconomia animalis : iisdem enim legibus sui semper similis natura suas in sanitate functiones obit libere & placide ; quibus in morbo materiam morbificam ipsi adversam præparat, subigit, emendat, aut insensibili quâdam evacuatione per vias proprias, & determinatas victrix expellit, & foras eliminat. Ast naturæ motus primi, ipsiusque ad materiam morbificam expulsionem conamina augurari, hoc opus, hic labor est. Medicus naturæ minister, non magister, quò vergit natura eò ducat oportet : ipsius ergò motus consideret tacitus, scrutetur, facta perpendat, ut quo tendat judicet certo, eoque, ipsam sequendo, ducat.

I I.

CERTUM est, nec quisquam, spero, ibit inficias, humorum inquinorum in primis viis conjectionem in omnibus ferè morbis sive acutis sive cronicis

locum habere, sive ut causam sive ut effectum. (Hanc autem conjectionem cujuscumque sit indolis, acidæ, pituitosæ, biliosæ &c. communi saburræ aut cacochimiæ nomine vocabimus.) Ex hoc fonte manant, quasi à causâ primariâ infimi ventris morbi serè omnes, maximè ii qui in ventriculo, intestinis aut jecore sedem habent, ne iis quidem exceptis qui inflammationem comitem habent: sic dissenteriz, cholera morbus, ventris tormina, vomitus, alvi fluxus, sic obstructionum omne genus, febrium intermittentium, exacerbantium, putridarum, malignarum cohors omnis, generi humano tam infesta. Hinc determinantur morbi periodici serè omnes, sic artritidis, rheumatismorum, epilepsiæ, cæphalagiarum, astmatis, &c. paroxysmi semper indè ferociores & quasi tenaciores facti. Hinc habent natales plures morbi, cujus naturam, causam prorsus diversam facillè suspiceris, putà hæmophthoe, affectus hypocondriaci, convulsivi, vaporosi, in membris dolores erratici, quos vulgò flatulentos dicunt: qui omnes aut dejectione naturali, aut cathartico levi & repetito vel levantur vel absolute tolluntur. Ex hac eadem causâ plures morbi aut effectus & diuturniores & incurabiles quandoque fiunt, quibus æger cruciatur, languet, & tandem extinguitur: qui facili negotio à medico huic theoriæ attento curari & sanari potuissent. Pharmaca enim vel maximè morbo accommodata, propria & quasi specifica, difficile finem attingunt, ubi causam foventem aut procatharticam vel non aggrediuntur, vel, in primis viis per quas transeundum, mutantur & vitiantur. Ne mireris ergò si tam frequens in omnibus morbis, ubi materia turget, purgantium usus; si ab iis in multis morbis auspicetur medicus prudens, vel saltem mentem ad eâ dirigat & sæpè nullum aliud medicamentum aut subsidium habeat. Undè liquet quantum ad & certam medicinæ praxim interlit, signa habere pathognomonica quibus vel levissima hujus lovis vestigia pateant. Plurima sunt omnibus nota, V. G. vomitiones, linguæ mutatus color, cardialgiæ, lypothimiæ sensus, prævus in ore gustus &c. At hæc pluribus affectibus communia sunt non propria, saburræ quidem indicant sed accumulata tantum non turgescemtem, nec evacuandi tempora: undè in quodam sensu dici potest purgantium usum habitu quodam potius dirigi quàm certis, tutis seu *omni, soli & semper* competentibus regulis: quantum ergò indè progressus, certitudinis haberet medicinæ praxis, quantam in applicandis præceptis fiduciam, quantum ægrorum saluti & incolumitati consuleretur si tali signo gaudere daretur medico, undè primum naturæ medicatricis conamen dignosceret, ut quid sibi tunc sit agendum, videat.

### I I I.

**Q**UOD quidem signum illud univocum jam à multis annis innotuit; *pulsus* nempe *inaequalitas* aut hujus quasi supplementum *intermissio*, quod omni & soli & semper competit; si quodam tamen casus rarissimos eosque facillè dignoscendos exceperis. Hoc primus dogma posuit medicis, teste Nihell & Cox in practicis, non minùs quàm theoreticis notus *Ferrein*. Duplex autem sedulo distinguenda venit *pulsus inæqualitas*, alia ratione vis quæ digitus pulsatur, alia ratione pulsationum frequentiz; utramque rarissimè repererunt medici minùs attendentes, eamque, maximè intermissionem, periculi plenam judicârunt: at falsò: nam frequentissimè occurrit in morbis præcipuè chronicis, in iis qui debili aut lassâ fruuntur valetudine, in quibus saburra non modò abundat, sed etiam turget. Si causam requiras, procul dubio ab inæqualitate contractionum cordis repetenda est: ast ne plus ultrâ, nam in obscuro latent hujus relationis causæ & forsân latebunt din; nisi eas multo probabilius in quadam nervorum communione & sympathiâ reponere voveris, cùm ab iis omnis in corpore motus & sensus omninò oriatur, eosque, nulla habita ratione distributionis, nunc in hæc, nunc in illâ parte, modo hoc, modo illo modo agere compertum sit. Sed quidquid sit de hujus affectus verâ & genuina causâ, constat eam *pulsus inæqualitatem* dari ubi in primis viis materia turget evacuanda, eamque pro quantitate hujus materiæ aut potius pro intensitate stimuli & modo quo agit plus minùsve evidentem & frequentem de-

prehendi imò ad intermissionem usque progredi. At non ita facillè est in omni casu tale signum dignoscere : sæpè maximâ attentione opus est, imò & determinatâ mentis intentione. Si enim leviter tantùm, quasi de febris gradu unice ageretur, uno aut altero instanti, arteriam interrogaveris, fugit, fallit minùs attentum; at per viginti quinque, triginta etiam & plùs pulsationes premè arteriam, cùm ad hoc examen directâ mentis directione, idque plurimâ vice repetè : tunc certè hanc inæqualitatem, sic affusèctus in omni casu percipies. Insuper autem id monendum, in robustis viris, in iis quibus cordis & arteriarum vis intenditur, ut in febre violentâ, exercitio immoderato, animique pathematibus, putâ ira, dolor, in quibus actio tonica fibrarum major, non semper, licet existat, deprehendi, sed multo meliùs cessante paroxismo se prodit, ita ut tunc levis inæqualitas pro gravi, hæcque pro intermissione ipsâ habenda sit.

## I V.

**H**UJUS asserti veritatem quisque comperiet qui eo quo diximus modo pulsum exploraverit; in senibus, in edacibus, in valetudinariis, quibus quasi ex habitu saburra est. Quod quidem multo certius patebit : si pulsus eorum in quibus cacochimia evidens & abundans est, ut in indigestione, cùm eorumdem pulsus comparaveris post evacuationem cathartico aut emetico copiosè proritatam. Senties enim, non sine quodam admirationis sensu, pro quantitate materiæ expulsæ, vel minui, vel cessare omninò hujus pulsus inæqualitatem & intermissionem, modò diatrâ liberiori, ipso purgationis die, ut sæpè sit, non reviviscat. Quod quidem ex labitu licuit pendere in matronâ quâdam nobili, quæ leucophlegmatâ laborabat, cui affectus hysterici non contemnendi sanè accesserant. Huic pulsus frequentissimè octavâ, nonâ aut duodecimâ pulsatione intermittebat : non ea proportionè, quâ affectibus convulsivis cruciabatur, sed eâ, quâ materies turgebat : nam sæpè persistè eâ intermissione, imò sæpè intentioni remittebant hysterici affectus : at propinato cathartico cessabat saltem per aliquot dies ea pulsus intermissio, donec diatrâ imprudentiori rediret inæqualitas ad intermissionem usque progrediens, donec, horrendo quasi modo sese manifestarent illi affectus vaporosi vulgò dicti. Huic nostræ opinioni suffragantur plura in praxi quasi axiomata, sic pulsus intermittens, vermium præsentiam arguere perhibent : porrò nulli vermes absque fomite, qui fomes saburræ genus & species. Sic Pichelinus vidit statibus pulsus interturbari, quibus copiosè erumpentibus, liberatur æger : status autem viciatæ digestionis signum certissimum. Sic Celsus Lib. III. Cap: 6. „ Venis „ maximè credimus fallacissimæ rei, quin sæpè istæ lentiores, celerioresve sint & „ ætate & sexu & corporum naturâ & plerumque satis sano corpore si stomachus infir- „ mus est. „ Multæ insuper à diversis authoribus institutæ sunt observationes : in divetis regionibus, quæ tam sæpè à plurimis fuerunt repetitæ, cum similibus circumstantiis, parique successu ut pluribus contigit diarrheas plures antè dies prædicere ex pulsus intermittente, quæ dein dicto tempore & sæpè horâ cum magnâ astantium admiratione, medici gloriâ & sæpè ægi levamine evenerunt ; sic a D. Francisco Solano *Dulugues* per annos triginta in Hispania, Nihell in Angliâ : pluribusque aliis medicis recentioribus factum fuisse perhibetur. Sic Prosper alpinus in pleuriticâ pulsus ita intermittere vidit à primo ad quartum diem, ut primâ die singulis septem aut decem pulsationibus, secundâ singulis sex aut quatuor, tertiâ singulis tribus, quartâ singulis duabus & hæc ipsa die cum urinâ crassâ pituitosâ excretâ, convulsi æger Sic Wierus narrat in Equite quodam febre malignâ, ut ait, decumbente cum signis putridi, in primis viis hærentis evidentibus, quales sunt vomitus biliosi, flatuum per superiora eructationes, dejectiones fetidissimæ ; die morbi sexto ex inæquali intermittente factum esse pulsus, ut septimo mane tertiâ quâque pulsatione perciperetur ; tandem ventriculi doloribus, vomitibus addictus, die octavo catharticum propinavit a quo die non sanatus fuit æger, copiosâ factâ evacuatione. Qui plura de his voluerit, videat quæ Franciscus Solano *Dulugues* \* & Nihell \* prorulerunt : ceterum monendum restat circa neotericos qui de crilibus eorumque signis antecedentibus nuper scripserunt. 1°. Plerosque,

\* Lapid. lib.  
\* Olserv.  
nouy. sur les  
crises

subtiles Galeni differentias, mutatis tantum nominibus, renovasse, & ad fastidium usque prædicasse. 2<sup>o</sup>. Effectum pro causâ habuisse: viderunt & id quidem pluries, alvi fluxum sequi pulsum intermittentem: ergò, inquit, tali pulsu certè prænunciatur alvi fluxus: at falso: causam quidem alvi fluxus indicat sed non necessario & absolute alvi fluxum, cum hæc saburra per vomitus, per urinas possit evacuari sicut & per diarrheam ut aliquando visum est, pro naturæ intentione.

N.

CUM autem jam probaverimus pulsus inæqualitatem & intermissionem in primis viis materiam turgescens, primumque naturæ ad hanc expellendam molimen ostendere; nolumus sanè absolute generalem regulam ponere quasi semper & in omni casu talem conclusionem eruere liceret; sunt equidem tales pulsus intermittentes quasi ex naturâ, & ex habitu; qui quidem cum hujusmodi sint minimè pro inæqualitate aut intermissione, de qua diximus, accipiendi sunt. Porro, quicquid ex habitu est, criticum minimè posse esse apud practicos notum est. Si objicias insuper, multis in morbis pulsum intermittentem observari minimè criticum, nec à saburra primarum viarum, verbi gratia, in cordis polipo, magnorum vasorum circa cor impeditis. In promptu responsum: causa patet, signis propriis sicut & natura morbi; discernat ergò inter symptoma & symptoma, inter signum & signi modos, nec confusio locuserit, nec errabit medicus prudens & attentus. Illa intermissio semper eadem est & eodem modo; estque potius arteriæ quasi æquæ ebullientis, ut ita dicam, fremitus, quam vera & propriè dicta intermissio. Si instaveris, in affectionibus spasmoticis, debilitate, inanitione morti proximis, in plethora, in scorbuticis quandoque observari; esto, sed omnia attentè phænomena consideret, medicus; Pulsus quidem signum est certum, sed si solus spectetur, non aliarum simul circumstantiarum vel causarum externarum ratio habeatur in dijudicando admodum potest decipere. Si dicas senes, edaces pulsu intermittenti ferè habituâli labore plus minùsve evidente, indè opinionem confirmare licet & concludere experientiâ, ratione ducti,

*Ergò in pulsu inæquali aut intermittente purgantia.*

## DOMINI DOCTORES DISPUTATURI.

M. Ludovicus-Gabriel Dupré,  
Serenissimi Principis Condæ  
consiliarius & Medicus.

M. Pascasius Borie.

M. Carolus-Ludovicus Liger.

M. Antonius Petit, à Regiâ Scien-  
tiarum Academiâ.

M. Florentius - Carolus Bellot,  
Professor Regius.

M. Joannes Stephanus Guettard à  
Regiarum Academiarum Parisi-  
ensis Rupellensis, Florentina  
& Stokolmiensis Socius, Censor  
Regius & Historiæ naturalis  
Musæi Serenissimi Ducis Aure-  
lianensis Custos.

M. Stephanus Pourfou du Petit.

M. Ludovicus Pathiot.

M. Natalis-Maria de Gevignand,  
Regiorum in Germaniâ Ducum  
& militum Nosocomiorum au-  
per Medicus.

Proponebat Parisiis HUGO GAUTHIER, Riciacus Lingonenfis, Doctor  
Medicus Monspelienfis, nec non Saluberrimæ Parisiensis Facultatis  
Baccalæureus, Theseos Author, A. R. S. H. 1762.

A SEXTA AD MERIDIEM.